

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA ZA DRUŠTVENE DJELATNOSTI I UPRAVU

Broj: 03-04-3718/22
Lukavac, 26.09.2022. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-3718/22 od 21.09.2022. godine u otvorenom postupku javne nabavke LOT 1 – Nabavka radova na uređenju i zaštiti poljoprivrednog zemljišta na području općine Lukavac – K.O. MILINO SELO za Službu za društvene djelatnosti i upravu d o n o s i

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 03-04-3718/22 od 21.09.2022. godine, te se Ugovor za javnu nabavku za LOT 1 – Nabavka radova na uređenju i zaštiti poljoprivrednog zemljišta na području općine Lukavac – K.O. MILINO SELO dodjeljuje ponuđaču „**DEN ALM COMPANY**“ D.O.O. LUKAVAC, koji je dostavio ponudu broj: P-05-09/22 od 05.09.2022. godine, za ponuđenu cijenu u vrijednosti od 162.520,00 KM bez PDV-a kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-30-3697/22 od 22.08.2022. godine. Javna nabavka sprovedena je otvorenim postupkom nabavke. Procjenjena vrijednost javne nabavke za LOT 1 bez PDV-a je 163.112,68 KM.

Obavještenje o nabavci broj: 719-1-3-83-109/22 objavljeno je na Portalu javnih nabavki dana 23.08.2022. godine.

Komisija za provođenje postupka nabavke imenovana Rješenjem broj: 02-04-3763/22 od 25.08.2022. godine dostavila je Zapisnik o pregledu i ocjeni ponuda broj: 03-04-3718/22 od 21.09.2022. godine, Preporuku o izboru najpovoljnijeg ponuđača broj: 03-04-3718/22 od 21.09.2022. godine i Izvještaj o radu broj: 03.04.3718/22 od 21.09.2022. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri blagovremene ponude, a da neblagovremenih ponuda nije bilo;
- da je ponuda ponuđača „DEN ALM COMPANY“ D.O.O. LUKAVAC kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način;
- Komisija za provođenje postupka javne nabavke je analizom ponude ponuđača „ROADING“ D.O.O. GRAČANICA utvrdila da su isti u sastavu ponude dostavili dokaz da imaju na raspolaganju

ili osiguran pristup tehničkoj opremi potrebnoj za realizaciju ugovora i to 1 Buldožer minimalne mase 18 tona, minimalne snage motora 120 kW sa priključkom za ripovanje terena, koji ispunjava uslove iz tenderske dokumentacije, dok je kao dokaz za posjedovanje drugog Buldožera dostavio upotrebnu dozvolu iz koje je utvrđeno da Buldožer caterpillar D5M XL ima snagu motora 104 kW, i upotrebnu dozvolu za Buldožer caterpillar D6R2 za kojeg nije navedena snaga motora, na osnovu čega je Komisija utvrdila da isti ne ispunjava uslove propisane tačkom 13.3.1.b. Tenderske dokumentacije, zbog čega je primjenom odredbe člana 68. stav 4. tačka i) Zakona ponudu ponuđača „ROADING“ D.O.O. GRAČANICA odbacila.

- Komisija za provođenje postupka javne nabavke je analizom ponude ponuđača „PAPILON“ D.O.O. KORAJ-ČELIĆ utvrdila da su isti u sastavu ponude dostavili dokaz da imaju na raspolaganju ili osiguran pristup tehničkoj opremi potrebnoj za realizaciju ugovora i to 1 Bager – rovokopač minimalne mase 20 tona, snage motora minimalno 100 kW, kopačka kašika minimalne zapremine 1 m³, radijus kopanja minimalno 8m, dok je kao dokaz za posjedovanje drugog Bagera – rovokopača dostavio upotrebnu dozvolu iz koje je utvrđeno da Rovokopač točkaš LIEBHERR A 312 za kojeg nije navedena minimalna masa, na osnovu čega je Komisija utvrdila da isti ne ispunjava uslove propisane tačkom 13.3.1.b. Tenderske dokumentacije, zbog čega je primjenom odredbe člana 68. stav 4. tačka i) Zakona ponudu ponuđača „PAPILON“ D.O.O. KORAJ-ČELIĆ odbacila.
- kako je u predmetnom postupku primljena samo jedna prihvatljiva ponuda to se u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“ broj: 66/16) ista nije mogla zakazati.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a za LOT 1 iznosi 163.112,68 KM i da je kriterij za dodijelu ugovora najniža cijena.

Ponuđač „DEN ALM COMPANY“ D.O.O. LUKAVAC dostavio je prihvatljivu ponudu sa cijenom u iznosu od 162.520,00 KM bez PDV-a, te je primjenom kriterija najniža cijena rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac - Služba za upravu i društvene djelatnosti, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. DEN ALM COMPANY D.O.O. LUKAVAC
2. PAPILON d.o.o. KORAJ-ČELIĆ;
3. ROADING D.O.O. GRAČANICA
4. Arhiva



PO OVLAŠTENJU GRADONAČELNIKA

POMOĆNIK GRADONAČELNIKA

(ovlaštenje broj: 02-30-90/22 od 07.03.2022. god.)

Sadija Osmanović, dipl. pravnik